

Wie sich die Weiber/ für/ inn/ vnd  
Sechswöchnerin gegangen / vnd ihnen  
handreichung gethan / Tom. 3. Declam.  
Philip. Melanth. Vnd welche Christ-  
liche Weiber vñ Matronen sie sind ho-  
hes oder nidriges Standes / Reich oder  
arm/ dergleichen sich gegen den geberens-  
den Weibern oder Sechswöchnerin er-  
zeigen / seyn auch nicht weniger aller eh-  
ren würdig.

Für das Fünffte/ Sollen auch alle  
Christen Menschen den Sechswöchne-  
rin/ wo sie schwach/ arm/ vñ vnvermög-  
lich seyn/ mit speiß/ tranck/ labung/ vnd  
andern außhelffen / daß sie nicht dörfen  
not/ hunger/ vnd kummer leyden/ vnd  
wol von wegen der grossen armut mit  
den lieben Kinderlein in not vnd gefahr  
kommen/ wie denn oft arme leute seyn/  
wenn das Weib in die Wochen kompt/  
daß sie weder Saltz / noch Schmalz/ ja  
wol nicht ein Bindelein/ das liebe Kind-  
lein ein zu wickeln/ im Hause haben/ da  
sol